



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann A 24.09.2023 - 01.10.2023 - 25. domënia ia por l'ann

n. 44

Invidia contra bunté

📖 Is 55, 6–9 | Fil 1, 20ad–24.27a | Mt 20, 1–16a

Dal Vangele do San Mateo:

Te chël tēmp ti à Gejù cuntè a sü discepui chësta parabola: ¹Cun le rēgn dl cil éra sciöche cun n patrun de n avëi, che s'un é jü dadoman adora demez da cíasa, a tó sö oras por süa vigna. ²Al é gnü a öna cun i oras sön un n denar al dé y al i à condüt te süa vigna. ³Dala terza ora él indô jü söl marcé, y n'à odü d'atri dailò che n'â degun laûr. ⁴Al ti à dit: Jide inçe os te mia vigna! I ves darà cí che é iüst. ⁵Y ai é jüs. Dala sesta ora y dala nona ora é le patrun dl avëi indô jü söl marcé y à fat le medemo. ⁶Canch'al é jü dala önejima ora cíamò n iade, n'al indô urté de chi che stô dailò incërch. Al ti à dit: Cí stëise pa döt le dé incërch a ne fà nia? ⁷Ai à respognü: Al n'é stè degügn che s'à tut sö. Dailò ti à dit: Jide inçe os te mia vigna. ⁸Canch'al é gnü da sëra, à le patrun dla vigna dit a so aministradù: Chërda i oras y paii fora le paiamënt, meton man dal ultimo cína al pröm. ⁹Al gnô chi che é gnüs tuç sö dala önejima ora, y vignun à ciafè n denar. ¹⁰Canch'al é rové pro i pröms, minâ chisc de ciafè deplü. Mo inçe chi à mâ ciafè n denar porom. ¹¹Dailò ài metü man da se lascè sö cuntra le patrun ¹²y dijò: Chisc ultimi à mâ laurè öna n'ora, y tö i as tratè anfat sciöche nos; nos deperpo ùn soportè döt le dé le pëis dl laûr y le cíalt.



ANTIFONA

lö sun la salvëza dl popul – insciö dij le Signur. Te vigni meseria, te chëra ch'ai me chërda, ôi i ejaudì. I ô ester so Signur por düc i tēmps.

📖 *Letöres dla 26. domënia ia por l'ann:*
Ez 18, 25–28 | Fil 2, 1–11 | Mt 21, 28–32

Edema liturgica dai 24.09. ai 01.10.2023

2023	Ora	Mëssa
25. domënia ia por l'ann 24.09.2023 <i>de mondial dai migranc y profugs - Rupert y Virgile, Gerhard, Hermann</i>	9:30	Corona
LÖNESC - 25.09.2023 <i>Nikolaus da Flüe, Gottfried, Sergio</i>		<i>19.30 - S.M. a La Plí</i>
MERTESC - 26.09.2023 <i>Cosmas y Damian, Paolo VI., Eugenia</i>	7:30	S. Mëssa di scolari + Vijo Agreiter
MERCUI - 27.09.2023 <i>Vinzenz de Paul, Dietrich</i>		---
JÖBIA - 28.09.2023 <i>Wenzel, Lioba, Lorenzo Ruiz y compagns</i>		<i>7.30 - S.Mëssa a Rina</i>
VËNDRES - 29.09.2023 <i>festa dai Sanc Arcangeli Michiel, Gabriel y Rafael</i>		<i>7.30 - S.Mëssa a Al Plan</i>
SABEDA - 30.09.2023 <i>Iarone, Urs y Viktor, Sofia</i>		<i>7.30 - S.Mëssa a La Plí</i> <i>18.00 - S.Mëssa prefestiva a Al Plan</i>
26. domënia ia por l'ann - 01.10.2023 <i>SEGRA DAL ROSARE / Tarejia dal Bambin Gejú (da Lisieux), Roman, Remigio, Werner</i>	9:30 10:00	Corona Santa Mëssa dla domënia Festa di iubilars 3. de sopoltöra de Angela Prousch + Heinrich Irsara + Maria Clara (Biëi) ++ Hones y Maria Zingerle ++ Tarina y Celestin Alfarëi

Mësses a San Martin:

Dom 9.30 Dedol 8.00 Sab 18.30 Dom 10.00 (Ciasa de Palsa)



Informaziuns y terminns

Dër bel dilan dles ofertes gnödes fates por la dlijia en ocasiun dla sopoltöra dla defunta Angela Prousch da pert de: Fam. Vinzenz Moling, Ugo Posch, Fam. Daniel Alfreider, Claudia Erlacher, Barbara y Erica Canins, Fam. Alfred Erlacher, Rosina Erlacher, Fam. Castlunger S. Martin, Fam. Pepi Tasser, Fam. Carlo Declara, Fam. Roland Pizzinini, Fam. Tille Agreiter, Carlo Unterweger, Clara Zingerle, Consëi de Cöra Antermëia, Grup Improvisaziun, familiars.

La **Uniun di Èi dl decanat dla Val Badia** inviëia düc i èi y i jogn a tó pert ala **prozesciun cun linternes** en vëndres ai 29 de setëmber, dales 19.30, dala dlijia de **San Linert sö Oies**. Tolésse do na linterna o na ciandëra.

Ciasa de Palsa - Ai pröm d'otober vëgnel festejë le **de di seniors** y dla jënt atempada. Chësc orunse ince nos fá y le colié adöm a n de dla porta daverta. La festa metará man dales 10:00 cun la S. Mëssa dla comunité ciantada dal cor de dlijia da S. Martin. Dedô "Frühshoppen" cun liagnes blances y prezes cun cianté en compagnia adöm al cor. Al sará ince la poscibilité da imparé a conësce i reparc y i sorvisc dla Ciasa de Palsa. Sön Osta presënza s'inconforta i berbesc y les mëdes y le personal dla Ciasa de Palsa.

Ciasa de Palsa - en lönesc, ai 2 d'otober dales 19:30 vëgnel metü a jí, adöm ala portina por l'assistënza y cura, te Ciasa de Palsa a S. Martin de Tor le referat "Medizinisches Cannabis für Senioren und Patienten mit chronischen Krankheiten" adöm al Dr. Gastmeier Knud. Le referat sará por todësch cun traduziuns por talian. Al é debann y al n'ó ester degöna prenotaziun.

"Tecniches da conservé la ordöra cun rezetes" cun Martina Irsara da Prettau in sabeda ai 07 de otober dales 14.00 - 18.00 tla ciasadafüch dla scora da Lungiarü. Organisé dales patrones dl Comun da San Martin de Tor y le Cunsei de Formaziun. Se prenoté cina ai 05 de otober pro Lucia 338/9918326 max 15 pursones.

La **Musiga da San Martin inviëia dër bel la comunité ala Segra dl paisc**, incö, ai 24 de setëmber. Program: 09:30 mëssa solëna te dlijia - do mëssa vëgnel venü crafuns da segra! 10:30 matiné cun liagnes blances y intratenimënt musical cun Ingfried - 13:30 defilada y concert dla Musiga da Rina - 18:00 musiga da bal cun "Die Kemitna". Por le mangé y bëre fistidiëia la musiga. Al gnará ince organisé en valgügn jüc por mituns!

La **Union Generela di Ladins dla Dolomites inviëia al Peregrinaje sö Oies** en sabeda, ai 30 de setëmber. Dales 14.30: Incuntada tla cortina de San Linert; 14.45: Momënt de recort dan la fossa dla presidënta onorara Hilda Pizzinini; 15.00: Tru dles Staziuns; 16.00 Mëssa (al cianta la Scola Cantorum de Anpezo).


Pelegrinaje a Weißenstein: organisé dal'Uniun S.Vinzenz, le dededolönesc, ai 26 de setëmber. An pëia ia con le bus dales 8:30 da plaza dal Cone. Siur Klaus vëgn con nos a zelebré la s. mëssa. Tl restorant sön le post se fistidiëia vignöna/nn dla marëna. Por le bus él da paié 20€ a porsona. Da se prenoté pa Angela tel. 3382430045.

SANITÉ: La doturia Grete Mahlknecht é demez dai 25 ai 29 de setëmber y vëgn sostituida dal dotur Eduard Agreiter 333 13 80 852.





*Sce al regnass l'amur sön
chësc monn, sciafiassun
ince sënza leges.*

(Aristoteles)



Por San Iarone (348-420), che vëgn recordé ai 30 de setëmber, ê l'incündaziun dl vangele a dotes les porsones te n lingaz che ai capësc la cossa plü importanta. Al á traslaté la bibia te n lingaz latin che ti somiâ al latin baié laota y nia ma a chël tlassich di studiá.

	26.09.2023	Samira - Teo
	01.10.2023	Niklas – Alexia – Magdalena - Moritz
	01.10.2023	Iaco Ellecosta

Impressum:
Comunicaziuns:
Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | o tel. 3803520465
www.unitepastorala.org | www.comun.sanmartindetor.bz.it